



Bentiaraq Ottosen
Atassut

UKA 2024/20
3. Oktober 2024

Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussummik Namminersorlutik Oqartussat akuersissuteqarnissaat pillugu Inatsisartut aalajangiiffisassaattut siunnersuut
(Ineqarnermut Attaveqaasersuutinullu Naalakkersuisoq)

Siullertut oqaatigisinnaavara pingaarutilimmik allanguisoqalernera Atassummiit ilalerluaratsigu. Ukiopassuungikkaluit Dronenut inatsisit eqqarsaatigalugit Kalaallit Nunaani ajornarsimaqaaq inuussutissarsiutigalugu allagartaqarfigineqarnera, tamanna massakkut naqissuserneqalerpoq inuussutissarsiutigalugu Dronenik sullissisalernissaq. Tamatuminnga peqqusutinik aaliangiussinernut attuumassuteqarluarluni.

Kalaallit Nunaani inuk kiffaangissuseqartoq namminersortuunermini aningaasarsiorfigisinnaasai ammaattariaqarpavut, soorlu una assersuusatsialaasinnaasoq. Pisariaqartitavut inuiaqatigiinni pingaartumik namminersortutut ingerlatsiffiusuni ingerlallualeqqullugit. Oqangilanga Naalakkersuisut tamatuminnga suliaqartut takusinnaagigut, oqarpungali Danskit peqqussutaa najoqqutaralugu silaannakkut angallanneq pillugu inatsisip allangortinneqarnissaa pineqartoq.

Eqqaarusuppara, ullumikkut nunatsinni havarikommission pillugu misissuisarnerit pitsanngoriaateqassasut ilimagilluinnaratsigit. Kisiannili uani Naalakkersuisut piumasaqarfigaagut tamatuminnga aamma pillugu Transportministeriaqarfimmut attaveqassasut Kalaallit Nunaani eqqartuusiviit inatsisai pillugit nalimmassaasoqartariaqarnera erseqqissaassutigissagai, tassanimi pineqarmata silaannakkut angallanneq pillugu Kalaallit Nunaannut inatsit pinerluttulerinermi inatsimmut aamma eqqartuusisarnermut inatsimmut naleqqussaasoqarsimanngitsoq. Tamanna naleqqussaavigineqartariaqartoq Atassummiit oqariartuutigerusupparput.

Siunnersuut una tamakkiisumik akuersissutigaarput, pingaartumimmi periarfissat nutaat ammarniassammata taavalu una peqqussutaalluni Folketingimi akuersissutigineqarnikoq Folketingip ukiuani 2024/2025.